

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Aus Karlsruhe's Volksleben

Gutsch, Friedrich

Karlsruhe, 1876

D'Rathhausuhr

[urn:nbn:de:bsz:31-32885](https://nbn-resolving.org/urn:nbn:de:bsz:31-32885)

D' Rathhausuhr.



O bin e amme Uewelschtand uf d'r Schpur
Seit Kurzem, — nämlich d'r Rathhausuhr.
Zwar sollt m'r weger d ere sich 'net b'sonders härme
Un ah noch in ho h e Regione rumschwärme,
Dieweil m'r mit shtädtische Mißshtänd do unte

Dhnedem schon gehörich plogt isch un g'schunde;
Doch wann e zufällig sell Zifferblatt
Betrachte thu, sigt m'r die G'schicht net glatt
Un muß e me dennoch so hoch v'rschteige,
Un künstliche Irthümer vorzubeuge.

Befanntlich henn d' Uhre schpezielle Funtzione,
Drum isch ihr Bedeutung ah keineswegs ohne;
D'r G'schäftsgang insonderheit werd regulirt
Un mancherlei Vorthail durch d' Uhr profetirt
Bei jeglichem Handel un G'schäft uf d'r Welt,
Drum sagt m'r im Schpruchwort ah: „Zeit isch Geld!“

Wie manchmol hat mich doch die Ned schon v'rdrosse,
Daß Zeit immer Geld sei; was närrische Boffe!
Do könnt ich, um numme ein Beischpiel anz'führe,
Die Wahrheit vom Schprichwort glei wegdischpetire,
Indem ich als schtädtischer Menschekenner
Such einfach v'rweis uf unsre Dien schtmänner.
Wann Selle kein Zeit henn im Newvermaß
Beim Numschtehn d'r ganze Tag drauß uf d'r Schtraß
An's „Bielefeld's Gd“ un am „Deutsche Hof“,
— M'r kriegt beim Vorbeigehn fascht selwer als Schlof, —
So kam-m'r, un braucht dabei gar net z' lüge,
Behaupte, die hätte iwwer Zeit z' verfüge.
Drum frog ich, wann Selle kein Zeit henn, wer sonscht?
Was Geld anwer anbelangt, dort liegt die Konischt.
Wann Zeit immer Geld wär beim Numschtehn un Warte,
Nord hätte die Dien schtmänner längscht schon Milliarde.

Un beiläufig widder uf d' Uhr zu komme,
Hat Mancher mitunter schon wahr vielleicht g'nomme,
Daß z weierlei Zeitmaß die Uhr zeigt am Thorn,
Millionsappermoscht, was krieg ich doch en Zorn.
Wann Jemand sich thät for die Thurmuhr v'rwende,
Nach meine Erfahrunge, gucket, den könnt' e
V'rküsse, v'rbrücke, zum Trinke v'rführe
Un sonscht noch uf andere Arte flattire.

Letzcht haw-we im Rathhaus am Behne was z'schaffe,
Thu vorher per Zufall in d' Höh nuf gasse
Un laß' me durch's Zifferblatt schmählich v'rbende.
„Was, Salwer ersch? Ei sapperlot, — halt, do könnt' e

Vorher noch en b'scheidener Zmbis v'rleide“,
Denk ich, un bummel in d' Jahreszeite,
Guck dort net uf d' Uhr mehr un hör net wie's schlagt,
Bis endlich en guter Bekannter sagt:

„I hab glaabt, Du sollsch nuf uf's Rathhaus glei!“

I sag: „'s isch jo noch net Dreiviertel vorbei!“

„Hajoh Du freusch me“, thut Seller druf sage,

„S' hat längsch schon e Viertel uf Elfe g'schlage!“

Ich ewe glei nuf; — d'r Termin war v'rsäumt,

D' V'rhandlung war fertich, un ich war g'leint.

E weiters Exempel noch könnt e anführe,

Wann e wollt in meine Notize rumschtiere;

Doch weil m'r die nöthiche Anhaltspunkt fehle,

So muß e so kurz, als wie möglich v'rzähle.

Letzsch sth e im Büro un denk, „'s könnt nix schade,“

Wann ich e mol 'naus giengt uf Maxau in's Bade;

Ich guck zehn Minute vor Sechse uf's Rathhaus

Un sag m'r: „hach Zeit un geh'sch langsam gradaus.“

S' war heiß sellen Mittag, ich schwit' wie en Bär.

„Ach, wann e doch numme in Maxau schon wär,“

So denk e im Stille un laaf an d'r Schalter.

Do schteht en Bekannter un frogt: „Wohin Alter?“

„Uf Maxau“, sag e. — „Ja Sie komme z'spät,

Sie wisse doch, wann d'r neu Badzug geht?“

„Am Sechse“, sag e, un der sagt: „Ich giv-wene

Mein Ehewort, 's isch bereits Viertel uf Siwene!“

Ich geh widder wärtser in d' Stadt nein un guck

Uf d' nämliche Uhr. — Was en Teufelschpuck!

Dr Zeiger thut d' selwiche Zeit noch ansage;

Soll do net e siedich's Gewitter neinschlage?

Do hawwe dann wirklich zu zweifle ang'fange,
Bisch du dann in gar keiner Zeit do 'naus gange?
Un hab me noch länger so hin un her b'sonne,
Dabei awwer kein Resultate mehr g'wonne,
Als daß Ei'm vor Aerger d'r Schlag könnt rühre;
Drum thu e m'r glei in's Notizbuch notire
Den Ausschpruch: „Des b'haupt ich un mach druf e Bett,
Iß irgend was unfehlbar, **die Uhr** isch's net!“

